



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԼՈՒՈՒ ՄԱՐԶՊԵՏ

Ո Ր Ո Շ ՈՒ Մ

8 հունիսի 2020թ. թիվ 440-Ա

ՎԱՐԴՈՒՀԻ ՄԻՍԱԿՅԱՆԻ ՆԿԱՏՄԱՄԲ  
ԿԱՐԳԱՊԱՀԱԿԱՆ ՏՈՒՅԺ ԿԻՐԱՌԵԼՈՒ ՄԱՍԻՆ

Համաձայն Հայաստանի Հանրապետության Աշխատանքային օրենսգրքի 223-րդ հոդվածի 1-ին կետի 2-րդ ենթակետի, ղեկավարվելով «Տարածքային կառավարման մասին» Հայաստանի Հանրապետության օրենքի 14-րդ հոդվածի 1-ին մասի 2-րդ կետով, ինչպես նաև Հայաստանի Հանրապետությունում արտակարգ դրություն հայտարարելու մասին Հայաստանի Հանրապետության կառավարության 16.03.2020թ.-ի № 298-Ն որոշման պահանջներով, հաշվի առնելով «Սպիտակի բժշկական կենտրոն» ՓԲԸ-ի տնօրեն Վարդուհի Սիսակյանի բացատրությունները՝

Ո ր ո շ ու մ եմ.

1. «Սպիտակի բժշկական կենտրոն» ՓԲԸ-ն կորոնավիրուսային հիվանդանոց դարձնելու հարցի քննարկման ընթացքում «Սպիտակի բժշկական կենտրոն» ՓԲԸ-ի աշխատակիցների ոչ պատշաճ վերաբերմունքի և երկրում հայտարարված արտակարգ դրության պայմաններում բուժժառայողին ոչ վայել վերաբերմունք դրսևորելու համար «Սպիտակի բժշկական կենտրոն» ՓԲԸ-ի տնօրեն Վարդուհի Սիսակյանի նկատմամբ կիրառել «խիստ նկատողություն» կարգապահական տույժը:

2. «Սպիտակի բժշկական կենտրոն» ՓԲԸ-ի տնօրեն Վարդուհի Սիսակյանին՝

Բժշկական կենտրոնի անձնակազմի հետ իրականացնել անհրաժեշտ բացատրական աշխատանքներ՝ հետագայում նմանատիպ երևույթները բացառելու համար:

3. Մարզպետարանի առողջապահության և սոցիալական ապահովության վարչության պետին՝

«Վարչարարության հիմունքների և վարչական վարույթի մասին» ՀՀ օրենքով սահմանված կարգով սույն վարչական ակտը եռօրյա ժամկետում հանձնել հասցեատիրոջը՝ ստորագրությամբ առձեռն հանձնելու միջոցով:

Հ Հ Լ Ո Ւ Ո Ւ Մ Ա Ր Զ Պ Ե Տ

Invalid signature

ԱՆԴՐԵՅ ՂՈՒԿԱՅԱՆ

Ա.ՂՈՒԿԱՅԱՆ

2020թ. հունիսի 8  
ք.Վանաձոր